

南洋官報

第九十册

工程師來華裝置上卷

袁貴此本行持別事也凡一切大小各

種機器

物

願和園

西苑

電燈

機器

異樣

新奇

中國

未有

甚正

電

正在

電

南洋官報第九十册

目錄

聖訓

督院轅門抄

著錄文字

奏議錄要

南洋公牘

時事紀要

礦務實業

附紅十字會章程

郵政清單

五洲同文局 殿本二十四史各省經售告白

本局用內府初印開化紙... 街晉泰字號內一應銀錢匯票... 租界三馬路中市西鼎新里... 經理一馬路中市西鼎新里... 十九年十月收票定價每部... 二月收庫平紋銀三十兩... 三十年六月收庫平紋銀四十兩... 六十本第三期三十年十二月... 百五十六本第四期三十一... 本憑單收銀付書由經售之家... 里第五街晉泰字號內五洲同... 百兩不貼匯水其餘平色以作... 各商號代勞諸友筆墨之資

江甯算繪師範學堂招考新生告白

江甯算繪師範學堂已考取畢業生十四名給予文憑現定七月望後招考凡報名者務於七月十五以前赴鹽巡道署報名

普通植物

中等動物學

實用動物

日本大森千藏著

日本大森千藏著

英國蘭該思太原著

日本大森千藏纂譯

黃岩許 誠譯

桐鄉都鴻藻譯

桐鄉都鴻藻譯

業已脫稿幸勿復譯

本報兩日出一册每册大洋七角五分

局設南京省城二道高井

嗣後有將新分給之虎爾哈瓦爾喀使之逃亡饑死致牛彘中缺額者
朕卽以不能養育之王貝勒下食口糧家人補足其數夫王貝勒等聚
財積穀畜養馬匹豈止爲一身享用要皆爲子孫計也不知子孫果賢
縱無所遺彼窳不能自立子孫若愚雖有所遺豈能常守徒自勞苦爲
他人積聚耳夫積穀所以備荒而養窮民也財帛馬匹所以爲國而賞
有功之人也財物牲畜固不可妄費亦不可過於吝惜朕所以令爾等
撫養窮民及新附之人者蓋先哲有言賞一人則勸者衆罰一人則懼

者衆今蒙

天眷佑諸國已平獨明國尙在賞罰可不明乎

督院轉門抄 二十八日 軍械所左 籌防局李均見 二十九日 義國參贊威達雷 李謨

均會 藩台黃 機器局吳 候補道徐乃光 穆克登布由蕪湖公幹回 直隸州傅壽慈

繙譯廖欽元以上均見 知府張景祐 知縣單琳均稟知隨穆道赴蕪湖公幹回 知縣張振

聲稟知由海屬守提奏銷上忙回叩謝冬賑粥廠蒙給酌委一次 委辦江西督銷營務處夏見

七月初一日 藩台黃 糧道胡 籌防局李 善後局何 商務局劉 下關掣驗趙 膏

捐局王 支應局許 火藥局爽 保甲局龔 師範學堂楊 農工學堂黎辭赴日本 陸師

學堂錢赴蘇見撫臺 蕪湖米釐局張銷聚寶門稽查差辭赴蕪湖 候補道左稟知到軍械所

差 黃承乙 翟衡璣 王運嘉 增齡 江甯府羅 上元縣趙 江甯縣梁 知府崔鼎由

上海回 調署邳州胡希林稟知交卸儀徵縣回叩謝 知州江朝銘知縣潘陞均奉示甄別

中協蔣 城守協吳 督左遊擊李 統領常備右軍陳 統領護軍正四營羅 常備前營葉

天匡 左營陳法清稟知到差 右營余志勝 後營洪連勝 副中營張家駿 馬隊任廷琇

護軍後營謝德鳳 右翼劉澤沛以上均見 軍械所武稟知交卸 同知楊逢春 新選東

台縣何 知縣聶培新均稟知在府署閱卷畢 知縣何慶琛稟知赴蘇 孫筠叩謝獎給學堂

出力儘先超委一次 王國振稟知海運事竣回 馮詠芝稟知由徐屬催提奏銷餉稅差回

劉懋均稟知由通屬守提奏銷上忙回叩謝冬賑粥廠給酌委一次 張祖翼稟知赴蘇

藩轅牌示 調署甘泉縣王彥徵因病一時未能到任查有代理甘泉縣白承頤委署

蘇撫轅門抄 六月二十二日 藩台效見 知府蔡薰奉委赴滬揚兩關查辦事件 准補崑山
縣張紹棠稟知交卸署蕭縣事回 知縣張寶瓌交卸署南匯縣事回 知縣曹至由江甯派辦
處文案來 吳鼎桂稟辭赴甯 魏本立南匯催漕回 金承熙常州發審來 杜仁幹南匯沙
洲來 二十三日 製造局魏稟辭 知府蔡薰 同知陳世恩宜荊釐局來即辭 准補太倉
州謝陶稟謝奉牌示赴任 准補崑山縣張紹棠 知縣洪冀昌松江查驗飛划各船回 張寶
瓌 曹至 金承熙 杜仁幹 樊肇元由浙江回 彭在中湖北回 張祖廉以上均見 二
四日止轅 二十五日 癸卯翰林徐謙由揚州來拜會 代理蘇關道劉體乾 知府許星璧
以上均見 准補海門同知梁孝熊由甯來 正任婁縣屈泰清赴松會算交代 知縣張祖廉
奉委學務處文案兼本署文案即到差 縣丞吳肇華木瀆絲繭捐局來 二十六日 將備學
堂候補道陶森甲由甯來 湖北督銷局候補道曾紀壽湖北來均見 湖北試用道李祥霖由
日本回 知縣何毓駿 何聯芳均由甯來 湖北試用縣丞黃國熙 湖北丁憂試用巡檢熊
應龍均由 巡檢樂錫璈劉河差次來

書本報江西日新樟腦公司章程後

樹藝者所以補農田之不足也樹之利以果一如桃李之類一以實一如橡栗之類一以華一如桂可以食一以葉一如桑可飼蠶一以膏液一如桐漆之類一而尤大者以材土者構宮室次者製器用小者劣者備薪蒸椴枿拳曲不中繩墨而無所取裁者亦可截爲煨鑪之梢柁一冬日煨鑪貧家恆以代炭一蓋有一樹一用或兩用或三用而皆未嘗爲棄材焉此非徒深林美蔭蔥蘢鬱秀起而參差者足可壯觀瞻供點綴也江西之豫章以多樟樹得名樟樹爲用可以熬腦可以製油油佳者可以提煉冰片而已熬已製已煉之材木仍可作薪以供鑪火之焚爇一物而四用備利至溥矣第其鄉人不知熬腦之法以爲樟腦市常有其值廉不得其法而製之則工用費而贏利薄慮有虧折憚而不爲雖所在多樟而棄之無用使與樗櫟同朽者比比是也自中外通商西人製造之學日益加進其格致家講求物之原質分化配合而樟腦之用遂廣今除配硝磺造火柴合藥料外其象牙諸器亦以樟腦爲之故其值益貴較曩年滬江腦價倍之而猶有贏焉其油之值約合腦價三之一油百斤以西法提煉可得冰片二三斤冰片爲中國製藥餌配香料者所貴視爲植尤昂而又益以腦之值油之植以樟木百斤可出腦三四斤油二三斤計之

則江西通省樟樹其植殆不可以億萬計此近日日新公司所由欲以地方之產興地方之利也雖然公司辦有成效勢必推廣推廣而後用樟必多不豐其植但取其材且且而伐之縱有多樟積之既久亦濯濯矣顧公司章程他皆完密獨於補種樟樹未之計及抑亦何也客有自贛來者以此質之客曰是習俗所囿也贛之俗以種樟爲諱謂種樟既成其人必死死者人所畏彼公司者度亦察知其情不敢犯人所忌強之以補種耳曰然則人不種樟樟何以多也曰樟樹多實風起實隕隨地滋生且其實甚堅禽鳥食之入腹不化隨糞入地仍可生樟江西通省樟樹所在而有職是故也曰客之言豈其然乎夫天下易生之物苟得人力培植生必益茂如但恃其多實隨地可生一任自榮自落於其間則既伐之木雖有萌蘖牛羊牧之新出之株倘無維持樵蘇刈之其能條而芽條而茁條達暢茂蔚爲嘉樹以供公司之採取而無窮者有幾何也且贛人諱種樟以樟能妨人以死耳微論產樟之地不獨一贛省不皆若贛之樟專以落實而滋生其間有種植者因樟而死吾未之聞也卽以死生言之令之人不明衛生之理不講體育之學哉賊斲喪疾病痲疫而一諉之於天命者固凡民所恆言也諉命於天雖種種而死亦賦命當絕適逢其會而非樟果能死之矣樟能死之是其權又不在天而在樟立說兩歧自相矛盾其爲督惑

不攻自破願翁慮補種樟樹民多畏死欲申董勸亦若有所憚而不敢發耶客又難曰樟

木之利期在十年今卽補種十年而後乃可熬腦而公司所用且夕需之勢固不及待也
曰客知古之治田者有易治之法乎易治者謂田有腴瘠歲歲種殖則精華竭而土膏漸
薄其生不繁或間歲一易或數歲一易必更迭用之俾不種者養其地力當種者愈益肥
饒是治田之術也今江西全省非無曠土其有樟樹者幾何處其無樟樹而可以補種者
幾何處已有之處旣云多樟以供十年之用未必不足此十年中補種之樟皆已成實於
是易用補種之樟而已用之處經尋斧而濯濯者又可補種十年一易生生不窮蓋與古
之易田同一法也且吾所望贛省之種樟者非徒以樟之利可以熬腦可以製油可以提
煉冰片而已也夫中國以財絀故勸民與利使種樟熬腦但用售之外人冀弋其利人又
以樟腦製成熟貨轉售中國則必計其畀我之利益取盈焉取盈於我利反外注則是種
樟一說雖有益於贛人而有損於天下一外來之貨日多如象牙諸器人樂用之彼之銷
場愈廣我之耗財愈大故曰有損一顧可爲歎然而西人製造凡中國所能仿者今皆設
廠仿製一以樟腦合藥中國本有此法若參合硝磺煉製火藥及火柴等物今中國亦能
自製一若種樟愈多出腦愈衆因其所積思有以用之則象牙等物曩所不能造者勢必
講求其法以教我手工之民如此則抵制外人挽回權利種樟之益非特爲今之日新公
司計蓋亦我中國勸工養民保全財政之先導矣今贛之民雖徂積習然鍼砭頑發聾

振噴使家喻戶曉一破已往之大惑者亦士君子之責也客儻有意乎哉客曰諾請歸而語諸賢民之不種樟者嗟乎樟樹一物也其利之厚至於四用足備而猶害於流俗之拘忌聽其自爲滋長無種之者然則天下有一樹一用或兩用或三用人知其利而不之植焉亦必有說以處此苟深切而究之雖非種樟或亦種樟者之類歟否則樹藝之道可補農田之不足裕民生裨國計豐材足用莫此爲善人何憚而久不爲也

奏議錄要

江督魏議覆總稅務司條陳摺

奏爲議覆總稅務司赫德條陳恭摺仰祈

聖鑒事竊准軍機大臣字寄光緒三十年正月二十一日

奉 上諭外務部代遞總稅務司赫德條陳一摺據總稅務司稱練兵籌餉以地丁錢糧爲大宗若竭

力整頓卽用此款練兵并可舉辦各項要務按里計畝按畝計賦令每畝完錢二百文確可經久百姓亦不受絲毫擾累等語現在財用匱乏幾於羅掘俱空一切應行要政如練兵等事尤爲萬不容緩之舉需款更殷亟應切實通籌期有良法該督等按照所陳各節體察情形悉心會商逐條覆議妥速具奏原節著鈔給閱看等因欽此當經臣咨會直隸四川兩廣閩浙湖廣各督臣籌議辦理伏查該總稅務司條陳以籌款爲綱以辦事爲目籌得之款首及於練兵置械并舉辦一切增官俸設學堂推廣郵政整理電局諸務誠爲今日自強要圖惟其所陳籌款之方專歸重於整頓地丁欲舉一切國用取資於是是則揆之中國情形固不盡然卽證之各國章程亦多有未合者請爲我

皇太后

皇上縷晰陳之考中

議推鹽鐵茶酒等稅而不以傷農此載之歷史而可信者也各國歲入之款有視中國照十倍者然其所列收入諸門如消費稅印紙稅關稅皆佔巨額而地租視諸項尚不算大宗日本歲入之數凡二萬數千萬元然如印紙關稅外又有酒稅及燈草醬油專賣等稅亦官收巨款而酒稅一項且過於地租是各國賴振興商務以爲開財之源并無專恃地租以充國用之事至其按照中國地方開方計畝所擬之數又未免太多查中國現在在里畝照戶部則例內載各省田地共計七百四十二萬餘頃今節畧所稱以中國幅員面積推算乃謂有八千兆畝減半折算每有四千兆畝夫四千兆畝卽四千萬頃也比中國現數七百四十二萬餘頃增多之率殆五倍有餘伏以我

朝政尙寬仁務恤農功以安閭里其中細民匿賦有未清查新地升科不盡核實誠使疆吏力加整頓一經查考得法各行省所有田畝斷不止於此數此則可知者若如節畧所陳謂由業戶將所有地畝開單具圖赴縣呈報三年之後歲入可至四百兆兩則田地亦必有四千兆畝方合此數是一舉而中國溢出田畝乃至三千數百餘兆畝之多臣竊恐其必無是理若夫地有高下田有肥瘠是以科則分爲輕重此則歷代因田制賦之常經若如所陳令每畝一律完錢二百文是使上田竟科薄賦瘠壤反予重徵比而同之自來亦未有此辦法就令通扯平均計算亦覺徵賦過重查近年通國所收錢糧大概計之不過三千萬兩內外若謂此法一行試辦三年卽可收四百兆兩是比較舊額增至一十三倍竊恐歐美日本諸邦亦斷無驟進遞加如此之速施之中國又安能必其可行也夫中國如陝甘雲貴等省素稱貧瘠者無論矣卽就江南而言固號稱財富之域然以地圖按之江南所轄江蘇江西安徽三省統關內各行省計之實佔地面九分之一依節畧所言以四千兆畝九分之三應有地四百四十餘兆畝今按戶部則例所載三省地畝不過一百四十餘兆畝猶不足三分

之一賦額則蘇甯兩處每畝折征有自三四百文以至四五百文者然江北瘠薄之區暨江西安徽兩省中下之田每畝僅完數十文灘租蘆課又每畝祇完十數文合計之每畝不過百文有零是照每畝完納二百文之說又僅得其半矣夫以江南地利全關賦額最重之邦照現在所收之數比該總稅務司所擬之數相去猶甚懸絕則推之他省更不待言此其窒礙難行情形已可概見惟是該總稅務司以外臣久在中華深識時局孔艱將來其法雖不能盡行其言並非過慮如所陳練兵興學諸務今日若再不及時舉辦前途蓋岌岌可危誠如

聖諭所云一切應行要政如練兵等事爲萬不容緩者臣受國恩地居重任固嘗日夜圖維冀得良法以佐度支之急而分宵旰之憂再四籌思以爲與其虛擬一不可知之數重慮煩苦不如姑就此已辦到之成規加之釐剔查光緒二十五年間蘇省清釐田賦遴委現署臬司候補道朱之榛明定章程督屬舉辦綜計蘇州鎮江二府屬長州等十三縣熟田項下銀米兩年共增出銀五十餘萬兩若由蘇鎮二府推之他府更由江蘇一省推之他省得人而理當亦不難照行此外西北廣大之野更宜開墾荒地多寶軍屯東南流域所有沙田漲灘應卽清丈升科從實舉辦又可於閩廣湘贛等處講求林政推廣種植以闢利源是皆屢見明文而辦理尙未覩成效者應請

旨飭部議定

考成酌予期限責以成效再由各省詳立章程切實辦理愚以爲就上數端各省果能認真整頓數年之後國家每歲似可增入一二千萬兩以濟要需核與該總稅務司所籌者數目雖尙懸殊無如綜計天下農田民力所堪只有此數如此則根本尙不至動搖於綜理財政之中仍寓子惠黎元之意區區愚忱惟在於是此則微臣夙夜所爲兢兢者也所有遵

旨議覆總稅務司條陳緣由理合繕摺具陳伏乞

惟在於是此則微臣夙夜所爲兢兢者也所有遵

江督魏准呂大臣等咨派員往紅十字分會辦事轉行甯蘇兩藩司飭屬知照札

爲札飭事光緒三十年六月初九日准辦理萬國紅十字會呂盛吳咨案據上海萬國紅十字會中國總董記名海關道沈敦和前四川東道任錫汾直隸候補道施則敬副總董兼總書記江西候補道任鳳荷呈稱竊照總董等隨同憲台聯合英法德美創籌上海萬國紅十字會一切辦理情形荷承電蒙大部據情具奏欽奉 懿旨頒發內帑傳 諭盡心經理切實籌辦等因遵經稟蒙憲論中國紅十字

會章程辦法應另行擬議呈候核咨請 旨飭遵所有現在中英法德美聯合之會均係中立國特別創辦應仍照常辦事以符原議而合時宜仰副 聖慈期望責成之至意總董等遵即熟商各西董

均甚允洽遵照辦理而事緒紛繁烟台及山海關以外添設分會日多中西續舉調直差委毛道慶蕃爲駐津辦事總董職道鳳荷爲副總董兼總書記以便分頭辦事總董等與各西董均在上海總書記隨同總董等傳上德而達下情每遇一事或面稟或具函均可就近稟商憲台隨時核定遵行各分會相隔遠每經遴員前往會員均不支薪水隨帶繙譯書記人等由總董等核定薪工數目仍由該會員經手酌給其往來乘坐火車輪船及因公發寄明碼電報業蒙北洋大臣維持善舉准予免費免票其沿途車馬宿食及分會處所一切雜支並撫卹難民經費均由會員按照會章核實撙節支用中西會員事同一律並無絲毫擾累地方惟有時必須地方官及各該局所處隨宜照料之事會員自行面商彼此必須推誠相待乃能有濟總董等照章繕給該會員中西憑函又經該會員等赴京呈蒙大部給發華洋文護照此外尙無印文給執以爲憑信遇與中國地方官及官設局所處往來商酌事件殊多未便亦未足以昭慎

重茲總董等公同酌擬所有歷次派赴關外分會員候選通判張慶桂直隸特用知縣劉芬指分直隸候補知州任錫琪雲騎尉世職徐信謨儘先補用遊擊許正壽補用都司朱慶章及烟台分會員候選直隸州知州李福全等營口分會員候選同知陳承第等擬懇憲恩各給印札一道飭令該會員遵照以上飭辦各節查照會章與西董和衷共濟彼會與此會仍聯絡一氣務期辦理妥洽曲盡各國中立特別創辦之義務勿致上負

聖慈下辜衆望並各將辦理情形隨時函電馳報總董等轉稟並懇咨明外務部商部盛京軍憲尹憲吉林軍憲黑龍江軍憲熱河統憲北洋大臣袁南洋大臣魏督辦商務大臣湖廣督憲張會辦關內外鐵路大臣刑部堂憲胡山東撫憲江蘇撫憲順天府尹憲齊齊哈爾副都統直隸提台查照行知東海關道輪船招商總局鐵路總局電報總局遵照分別備案飭屬一體知照至許正壽現派令偕同德男爵司肯多福繞道濟南天津晉京商酌前赴分會總董等已照章繕給憑函應需川費亦已給發司肯多福係山東撫憲函派前來之員與各分會西員情形略有不同業經稟請電商山東撫憲應俟復電到日另行辦理所有呈請給發各分會員咨札緣由謹會同駐津總董調直差委毛道慶蕃合詞具陳伏乞察核施行再候選同知周傳誠前經總董等延赴關外開辦分會勞績卓著現據該員稱接辦有人其在滬商務未能分身自願告退業經稟商憲台准其所請自可毋庸給札此係總書記主稿商同總董等辦理又據另呈江南製造總局委員分省補用知縣陳藝前經總董等延爲幫總書記不支薪水公費仍兼顧其本差實資得力懇請加札並行製造局知照各等情據此本大臣查此會現係五國聯合中西協力捐助權設醫院療治受傷兵民揀護無關戰事人民出險上荷

深宮德意下繫全球

實施行勿稍疎該員等膺此重任實力奉行以爲此會之基礎即爲將來開辦之先聲據呈前請余分

合中西協力捐助權設醫院療治受傷兵民球護無關戰事人民出險上荷

深宮德意下繫全球

實施行勿稍疎略該員等膺此重任實力奉行以爲此會之基礎卽爲將來開辦之先聲據呈前情除分別咨行札飭並照會德男爵司肯多福外相應咨請查照備案並希飭屬一體知照等因到本大臣准此合行札飭札到該司卽便移行各屬一體遵照毋違

時事紀要

江西日新樟腦公司章程

竊維同志諸人慨念時艱孔亟環球各國萬貨雲集馳逐吾華於商戰之場脂膏日竭上下交困邇更賠款難敷大憲示諭勸民興利江西土產大宗惟茶瓷夏布木料漸亦利權旁落每况愈下同人苦心孤詣私創一美利以冀行銷外洋以爲吾江抵制去夏稟陳當道請創辦熬煉樟腦此中耗財費力幾經波折無暇殫述今蒙上憲批准與官辦並興爲此益自奮發期底於成以抒報効而答憲恩但茲事體大用宏必合羣策羣力量諸君子共襄盛舉願進股者請至本公司面商可也

第一條 豫章以樟得名江西通省所在皆有樟樹處處棄作薪柴數百年來毫不知採取殊爲可惜爰集同人先於產樟等旺處採取先集資本試熬果然出腦潔白攷此腦行銷外洋各國製造象牙藥料等件所用甚廣現與同志籌集股本稟奉護撫憲柯批准開辦在案

第二條 本公司定名曰新樟腦公司印戳招牌爲記

第三條 本公司開設江西省城外擬暫行租賃房屋一爲熬煎樟腦之所一爲辦事屯放腦貨之所以昭慎重

第四條 本公司擬先籌資本洋十萬元正每股英洋一百元未開辦以前先交五十元開辦後交足一百元與股者給予股單息摺議定歲息八釐每屆年終會算憑摺領取在滬者由滬公司憑摺領取近江西者由公司領取旅費一切均由股友自理如無戳記次第號碼者公司概不承認倘有半途輒止不能交足股本洋元者則前交之半成股份洋概作存局三年後公司如有起色照本退還否則罷論以爲刁巧者戒

第五條 本公司現用土法熬腦以一竈而論攷查樟料每觔除運力外價值三四文不等其樟枝葉木及兜均可取用有香臭有結實有紅有白葉大葉小葉尖公母之分每百斤樟料爲一甌卽一竈可出腦三四觔另出油二三觔每日兩巡出腦之木仍可作薪備熬腦之用並無遺棄向年滬售腦價七八十元今售二百元並且缺貨其油每觔可售洋六角以上再求精蘊每百觔可提煉冰片二三觔其利甚厚惜用土法而樟之精液尙未得盡現聞東洋新法以機器出腦加倍靈捷異常故擬參用西法購辦機器試熬是否廣出再行多購分局辦理以充擴利源 未完

鑛務實業

論煤鐵鑛之利 節錄甲辰第六期商務報

鑛物爲地球中無生氣之物其播布聚散多因前世界地質變遷之故非如動植物關乎地球表面之氣候如何也中國於鑛學素昧講求往往開採經年成效莫覩徒擲巨貲良可慨也惟是鑛物之種類雖繁可以兩言括之曰石類曰金類石之類不一凡被以至高之熱度而不鎔爲流質者皆是也而無往不有者莫如煤金之類不一凡被以

山則千里往往山出基布昔曾文正公嘗曰中國開鑛惟煤鐵最有把握諒哉斯言乎然則中國既具此莫大之利源顧乃一言開鑛輒十九傾其資本者何也曰是蓋震於開鑛之名而過於鋪張揚厲之故是蓋不知鑛礪有一定形勢之故是蓋素不諳勸鑛之法而過信洋鑛師之故夫不知鑛產之多寡而概以銅山金穴預爲擬之由是局廠之崇宏與衛之赫煊僕役之繁多在在浪擲其成本而又不明乎勸鑛開鑛之定理謂非延聘鑛師不足以爲先路之導而機器價值鑛師薪貲亦動以鉅萬計故有鑛未開而資本已罄者有鑛已開而得不償失者以致所採之煤所煉之鐵其原值率視市上之煤鐵增至倍蓰又不得不貶價求售以資周轉日積月累成本雖多終歸烏有此所以一言開鑛輒十九傾其資本者也今欲去弊以求利亦惟改絃更張以適其宜而已矣曷以適宜曰宜盡革辦鑛之積習宜洞知鑛礪之形勢宜自開鑛務之學堂宜研究採煉之成法

從來內地之辦鑛者殷商太賈居其半達官貴人亦居其半故無論官辦商辦與夫官商合辦其人必漸染官場之積習鑛工之勤惰固弗及知鑛利之贏絀亦弗暇計不知辦鑛爲商務之一端必須事事躬親時時撙節而後款不虛糜利皆實獲况當開辦之始成效未彰獲利與否尙難逆覩謂可以有用作之財爲無益之費乎故辦鑛之積習不可不革除

若夫機器之應用與否當視乎鑛礪之形勢以爲衡其大要則有三等有無需機器者有略需機器者有全需機器者何則凡中國各省南北直向之山其層石中均有煤鐵相間而生大山則爲斜綫小山則爲

直綫平地則爲平綫或稍帶斜綫而有上聯下聯正聯內聯外聯之不同然山爲地中之石骨山斜出於地則石骨亦斜出而上而煤鐵各鑛卽隨山脈之蜿蜒起伏無論千里百里大都視山脈之起訖爲起訖於是鑛之層次厚薄質性老嫩成分輕重遂因之而殊卽礮口之高低隱顯亦因之而殊所謂礮口者鑛地之由是施工者也然有開口有閉口平進者謂之洞直下者謂之井蓋兩山之間必有澗焉山則上銳而下寬澗則下狹而上廣而其旁皆爲斜綫澗甚寬而兩山遙對者知鑛苗不在山脊而在山足試循斜綫以求之則礮口立見是爲開口卽由礮口以施其椎鑿平行而進愈進深厥名爲洞此可用中國古法而不必機器者也其有澗甚狹而石壁層層合縫者知鑛苗必深入山腹須鑿山麓爲隧道隨斜綫以知鑛所在是爲閉口然礮口儻可平行而進者厥名亦爲洞此仍可用中國古法如察知礮道過深則當用鑿石機器以節人力此不得已而略用機器者也惟鑛苗甚旺而皆隨斜綫深入地底須直下數十百丈而後得鑛旣得鑛則左宜右有取之不竭者必須先用挖泥起重之機器如鑿井然自上而下厥名爲井其鑛苗卽以起重之機引出之其下或遇泉脈則當用抽水之機或其下過深風不能入且不能開旁出之井則當用吸收空氣之機此鑛之深入地中中國之古法有時而窮而不能不全需機器者也然鑛產所在可以開洞者十之七必須鑿井者不過十之三日本謂不用機器而以人力開洞者爲狐掘以其方法簡便費用甚輕故內田郡境內有一英里有半之地狐掘多至六十餘處者謂井爲豎坑費用最鉅開鑿最難又中國古法開平地之鑛井亦有深至千百丈者惟水至則棄去此可見中外古法之開鑛皆

開鑿最難又中國古法開平地之鑛井亦有深至十百丈者惟水至則棄去此可見中外古法之開鑛皆其攤派捐項之輕重應照向來之國課辦理

第五十九條 凡遇攤派款項以備兵卒之居住或捐輸糧草若民間向有樂於照料病傷之人者則應酌免之

第六十條 遇捐輸米穀以及各項軍餉應發給收條因此等收條所繫匪輕卽宜謹慎而行弗可草率

第六十一條 囚禁俘虜原無治罪報仇之意惟將其人拘留之以免干預戰事至俘虜應如何看待如何防守則詳見下文戰時被俘之人皆歸俘之之國管轄將弁於此不得擅權

第六十二條 俘之之國軍旅向有之例該俘虜應一體遵行

第六十三條 看待俘虜弗可暴虐不仁

第六十四條 該俘虜除兵器外一切私物仍爲己有

第六十五條 俘虜遇彼國詢問姓名品級等事卽應吐實不諱倘有隱瞞情弊則較他人處治稍嚴以示懲警可也

第六十六條 俘虜令居某城某營某境禁其越界則可惟關鎖固固非萬不得已則不

可行也

第六十七條 俘虜如有不順服之舉卽從嚴處治不爲違例

第六十八條 遇俘虜脫逃而尾追之應先令其止步如違雖以鎗擊之可也如尙未越境或未及本國軍營復被擒拿可從嚴看守以示薄懲但不可視同罪犯其業經出境或已入本國營壘而後被執則前案置若罔聞不得追究然該俘虜若已立誓不逃後又背誓而潛逸卽革其俘虜之利益以爲懲罰而已

第六十九條 某國若擒人爲俘虜卽應給以養贍之資若兩國未經議立特款則俘虜養贍之資卽當與該國不出戰之兵卒等

第七十條 不得勉強俘虜以令助戰雖事之稍涉於戰者亦不可令其干預并不得勒令出具口供而洩漏本國之機密

第七十一條 凡工作不直涉於戰事者若非異常勞苦亦不爲陵辱

其事之有無恥辱自應揆度其人之

出身而定卽令其操作可也

第七十二條 該俘虜如准其爲民間傭工操作者其工價應由上司收儲或用之以資供給或存之以俟釋放時再行發給可也

千七百五十五文 江甯府先哲言行錄一本制錢
 堂章程二本制錢二百十文 欽定各學堂應用書目制錢一百文
 歌訣一本制錢六十文 日遊彙編一本制錢三百二十文
 書初編一本 普通學歌括注二本 論語話解五本
 江甯府境地形考一本 詩鈔二本 圖畫 算法三級一本
 算術三級一本 地理問略 國朝大事表 先正格言
 彙編 字學三編

已譯之書目

地文學教科書制錢九十文 地質學教科書制錢一百文
 學圖畫理科教授細目制錢一百四十文 植物學實驗初步制錢一百四十文
 軍事教育編制錢六百元 數學佩鵬二本制錢四百二十文
 文 經濟教科書制錢一百七十文 生理教科書制錢一百七十文
 科書 中等算術教科書 三角術 理科教授綱要 新理科書教師用 尋常小學算術教科書
 等代數學 中等代數學 初等平面三角 初等曲線學 測量教科書 平面幾何學 高等代數學
 三角 立體幾何學 高等曲線學 初等微分學 微分積分學 小學珠算教案

上海四馬路東首辰字十六號一新書局發行各種圖書

世界發明初始家列像 二五洲人種面貌全圖 二戎裝柔軟體操圖說 二世界百傑圖像

二新奇教育法 五華英公牘新編 七歐西學校規制紀畧 四格物課程 二法國學制 三

原師 二分 英國第七冊藍皮書 五普通百科全書 三十格致地理教科書 四英德學制比

較 四生 二角 交涉要覽類編 一元 日本帝國近世史 一元 血性男子 三角 拿坡崙 四

上海新 北門外法界天主堂街本書室啓

中西書室 專售法文書籍

本號售法國學堂課本天文地理算術等書無一不備非他號掛漏者比為各處
 大學堂中西書院盡悉兼售英俄德一應書籍及各種洋紙等價廉貨精函購原

班回件兼經理匯報抄 期分送均不遲誤特白

